

Olga Versteeg a entrega buki “Ollie, Assie y Peli” na Biblioteca



ORANJESTAD (AAN): Diahuebs cu a pasa, Biblioteca Nacional a ricibi un ehemplar di e buki di prenchi pa mucha titla: “Ollie, Assie y Peli”, un storia moderno tocante amistad. E storia ta trata e amistad di dos mucha chikito cu un pelican como nan amigo. Ollie ni Assie no por sin otro y e pelican ta yuda nan kenda hunto. E storia ta tuma lugar na Hulanda y Aruba. Na Aruba e muchanan ta haya nan mes den un aventura na e costa di e isla.

Por cierto originalmente e buki tabata skirbi na Hulandes y Joyce Herry a traduci esaki na Papiamentu y tin intencion pa traduci e buki na e Ingles tambe den transcurso di 2007.

Joyce Herry ta naci na Aruba riba 8 di September 1945. Na 1966 el a bay Hulanda pa studia pa e

profesion di secretaria. Joyce a gusta Hulanda y a dicidi pa keda biba na Hulanda. Casi tur aña e ta bin Aruba back pa bishita su isla y pa ta hunto cu su famia especialmente den e temporada di pasco y aña nobo. Su interes pa skirbi tbata bisto for di chikito.

Na 2001 el a participa na un concurso di skirbimento di storia. Su participacion a sosode cu e conocido storia di haraña Nanzi. Joyce a gana un premio. Un escritora Arubano a stimula Joyce pa sigui skirbi y e ta haci esaki cu hopi amor y entusiasmo.

E buki “Ollie, Passie y Peli” ta obtenibel na diferente libreria na Aruba.

Riba e foto momento cu su subrita Olga Versteeg a haci entrega di e buki na bibliotecaria Gina Jie-Sim-Foek. E storia di e personahe Ollie ta basa riba e aventuranan di Olga.